

LEVI, THOMAS (1825 - 1916), gweinidog gyda'r Methodistiaid Calфинаidd, golygydd Trysorfa y Plant ac awdur

Enw: Thomas Levi

Dyddiad geni: 1825

Dyddiad marw: 1916

Priod: Margaret Levi (née Jones)

Priod: Elizabeth Levi (née Daniel)

Plentyn: Thomas Arthur Levi

Rhiant: Prudence Levi

Rhiant: John Levi

Rhyw: Gwryw

Galwedigaeth: gweinidog gyda'r Methodistiaid Calфинаidd, golygydd Trysorfa y Plant ac awdur

Maes gweithgaredd: Crefydd; Llenyddiaeth ac Ysgrifennu

Awdur: Thomas Arthur Levi

Ganwyd 12 Hydref 1825 yn Penrhos gerllaw Ystradgynlais, mab John a Prudence Levi. Cafodd ei addysg foreol mewn ysgol a gedwid gan hen filwr yn Ystradgynlais. Pan yn fachgen gweithiai yng ngwaith haearn Ynyscedwyn. Tua 1846 dechreuodd bregethu yng nghapel Cwmgiedd, Ystradgynlais. Gwasnaethodd fel bugail ar Gapel yr Ynys, Ystradgynlais, oddeutu 1855-60, ar eglwys Philadelphia, Treforus, 1860-76, ac ar eglwys y Tabernacl, Aberystwyth, 1876-1901. Priododd (1), Elizabeth Daniel, Cwmgiedd (a fu farw yn 1871), a (2), 1873, Margaret, merch ieuengaf Hugh a Catherine Jones, Coedmadoc, Talysarn, Sir Gaernarfon. Dechreuodd ar waith llenyddol yn 1853 ac ysgrifennodd 30 o lyfrau gwreiddiol. Y rhai mwyaf cyfarwydd ydyw *Hanes Prydain Fawr*, 1862; *Bywyd a Theithiau Livingstone*, 1857; *Gweddïau Teuluaidd*, 1863; *Hanesion y Beibl*, 1870; *Casgliad o Hen Farwnadau*, 1872; *Hanes y Beibl Cymraeg*, 1876; *Traethodau Bywgraffyddol*, 1882 ac ymlaen, a gyhoeddwyd mewn un gyfrol dan yr enw *Cedyrn Cymru; Canmlwyddiant yr Ysgol Sabbothol*, 1885. Cyfieithodd hefyd 60 o lyfrau o'r Saesneg yn Gymraeg, yn cynnwys *Yr Anianydd Cristionogol*, 1859; *Crist a Gwroniaid y Byd Paganaid*, 1887. Cydweithiodd gyda [Joseph Parry](#) i ddwyn allan ' Cantata yr Adar,' 1873; ' Cantata Joseph,' 1885; a *Hymnau a Thonau yr Ysgol Sabbothol*, 1887 ac ymlaen.

Ond ei brif waith llenyddol oedd cychwyn *Trysorfa y Plant*, a'i chario ymlaen i ymddangos bob mis am hanner can mlynedd - o 1862 hyd 1911. Er bod y cylchgrawn hwn yn dyfod allan dan nawdd y Methodistiaid Calфинаidd, yr oedd yn boblogaidd gyda phob enwad. Yr oedd cylchrediad *Trysorfa y Plant* tu hwnt i ddim a welwyd yng Nghymru o'r blaen, yn cyrraedd cymaint â 44,000 y mis. Gymaint oedd ei henillion nes talu holl gost *Y Drysorfa (Fawr)* a'r *Traethodydd*. Darllenid hi gan Gymry led y byd, ac ynddi hi y cyhoeddwyd rhai o ddarnau cyntaf '[Islwyn](#),' '[Ceiriog](#),' ac eraill. Bu'n llywydd y gymanfa gyffredinol yn 1883 ac yn llywydd cymdeithasfa'r Dehau yn 1887. Cymerodd ran flaenllaw mewn gosod i fyny gofgolofnau

[Daniel Rowland](#), [Thomas Charles, Williams Pantycelyn](#), a'r [esgob Morgan](#). Parhaodd i bregethu hyd y flwyddyn 1910 ac i olygu *Trysorfa y Plant* hyd 1911. Bu farw 16 Mehefin 1916 yn agos i 91 mlwydd oed. Ar gais y Llyfrgell Genedlaethol paratowyd rhestr o'i weithiau gwreiddiol a'i gyfieithiadau o hymnau, ac y mae'r rhestr hon i'w gwled yn y llyfrgell.

Awdur

Thomas Arthur Levi, (1875 - 1954)

Ffynonellau

Adnabyddiaeth bersonol

Darllen Pellach

Erthygl Wicipedia: [Thomas Levi](#)

Delweddau

H. H. Davies, [Kate Watkins \(née Levi\)](#)

Dolenni Ychwanegol

Wikidata: [Q18535765](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

